

"The Shell Industry of Aruba": Un proyecto internacional di museo arqueologico di Aruba

ORANJESTAD (AAN) -- For di Museo Arqueologico Aruba, DIARIO a ricibi e siguiente informacion, relaciona cu e presentacion pa prensa, mañan merdia, di un proyecto internacional cu MAA ta bay desaroya.

E relato ta indica cu prome hendenan a yega nos Isla mas di 4000 aña pasa. Tabata tin desde e temponan ey diferente fluho di imigrante di (prome) e indiannan y despues, entre otro, e Europeo-
nan.

Te cu e Periodo Historico Indian (1880), pa mas di 4500 aña largo, cocolishi fungi como un fuente importante di cuminda y tambe como materia prima pa traha, entre otro, herment, ornamento y obhe-
tonan ritual.

E investigacionnan arqueologico den Caribe to-

cante material di cocolishi ta hayando mas y mas atencion durante e ultimo añanan. E ta un tereno hopi specializa cu ta desaroyando su mes hopi lige.

Actualmente Museo Arqueologico Aruba (MAA) ta ehecutando un proyecto yama "The Shell Industry of Aruba", unda cu e partnernan mas importante di MAA ta Universidadnan di Havana y New York, y Departamento di Cria y Pesca di Aruba (LVV).

UNOCA y Gobierno di Aruba ta financia e proyecto aki.

Esaki ta e fase final di un investigacion cu a cuminsa na 1995 y banda di e Arqueologo Cubano Ramon Dacal Moure, y e Arqueologo Mericano Marlin Linville, MAA ta participa cu su propio Ar-

queologo drs. Raymundo Dijkhoff, geologo Mr. Arminda Ruiz BSc., tecnico di veld Francisco Croes, mientras cu e biologo marino drs. Byron Boekhoudt di LVV tambe ta activamente envolvi.

Cada un lo investiga y skirbi tocante su area di experticio. E prome resultado nan lo ser presenta na e XIX Congreso Internacional di Arqueologia di Caribe, cu lo worde organiza aki na Aruba di 22 te 28 di Juli. E resultado nan final lo ser publica den prome mitad di otro aña, haciendo asina e informacion accesible pa e publico nacional y internacional.

E formula di MAA, cual ta encera envolve arqueologo-
nan nacional y internacional di diferente institucionnan renombra, profesionalnan di

otro disciplina y trahando riba un nivel inter-departamental, ta resulta den productonan di calidad hopi halto.

Cu e proyecto aki un bez mas

MAA ta hunga un "leading role" den Caribe, poniendo trendnan nobo den Arqueologia y otro terenonan cientifico.